

Kantonalna uprava civilne zaštite, na osnovu člana 13. stav (1) Odluke o dodjeli finansijske pomoći gradovima i općinama iz sredstava posebne naknade za zaštitu od prirodnih i drugih nesreća („Službene novine Tuzlanskog kantona“ broj 1/24 i broj : 02/1-04-22041-3/25 od 12.8.2025. godine), a u vezi sa Zaključkom Kantonalnog štaba civilne zaštite broj: 02/24-40-023200-8/25 od 14.8.2025. godine, objavljuje

JAVNI POZIV
za sufinansiranje saniranja posljedica prirodnih i drugih nesreća

I Predmet javnog poziva i korisnici sredstava

Predmet javnog poziva je dodjela finansijskih sredstava za sufinansiranje saniranja posljedica prirodnih i drugih nesreća, u ukupnom iznosu **900.000,00 KM**.

Na javni poziv se mogu prijaviti gradovi i općine sa područja Tuzlanskog kantona.

Kantonalna uprava civilne zaštite (u daljem tekstu: Kantonalna uprava) učestvuje u sufinansiranju saniranja posljedica prirodnih i drugih nesreća u sljedećim iznosima:

- maksimalno 80% vrijednosti konkretnog projekta ili aktivnosti za općine i gradove čiji prihodi ostvareni po osnovu posebne naknade za zaštitu od prirodnih i drugih nesreća iznose do 3% od ukupno prikupljenih sredstava posebne naknade koja pripadaju općinama i gradovima na području Kantona u godini koja prethodi godini u kojoj se raspisuje javni poziv za dodjelu sredstava,
- maksimalno 60% vrijednosti konkretnog projekta ili aktivnosti za općine i gradove čiji prihodi ostvareni po osnovu posebne naknade za zaštitu od prirodnih i drugih nesreća iznose od 3-7% od ukupno prikupljenih sredstava posebne naknade koja pripadaju općinama i gradovima na području Kantona u godini koja prethodi godini u kojoj se raspisuje javni poziv za dodjelu sredstava i
- maksimalno 50% vrijednosti konkretnog projekta ili aktivnosti za općine i gradove čiji prihodi ostvareni po osnovu posebne naknade za zaštitu od prirodnih i drugih nesreća iznose od 7% i više od ukupno prikupljenih sredstava posebne naknade koja pripadaju općinama i gradovima na području Kantona u godini koja prethodi godini u kojoj se raspisuje javni poziv za dodjelu sredstava.

Za gradove i općine čiji prihodi ostvareni po osnovu posebne naknade za zaštitu od prirodnih i drugih nesreća iznose do 3% od ukupno prikupljenih sredstava posebne naknade koja pripadaju općinama i gradovima na području Kantona u 2024. godini, a koji apliciraju za projekte saniranja posljedica prirodnih i drugih nesreća veće vrijednosti, dodjeljuju se sredstava u visini od maksimalno 80% vrijednosti konkretnog projekta bez obzira na broj utvrđenih bodova.

II Uslovi za dodjelu sredstava

Finansijska sredstva po ovom javnom pozivu se mogu dodijeliti gradovima i općinama Kantona koji ispunjavaju sljedeće uslove:

- a) da je formirana služba civilne zaštite grada/općine, u skladu sa članom 31. Zakona o zaštiti i spašavanju,
- b) da je formiran gradski/općinski štab civilne zaštite,
- c) da je donesena procjena ugroženosti grada/općine od prirodnih i drugih nesreća,
- d) da je donesen plan zaštite i spašavanja od prirodnih i drugih nesreća grada/općine,
- e) da je donesen program razvoja zaštite i spašavanja grada/općine,

- f) da grad/općina ima organizovane strukture civilne zaštite,
- g) da se sredstva posebne naknade vode na posebnom namjenskom transakcijskom računu,
- h) da je u tekućoj ili prethodne dvije godine prije godine u kojoj se objavljuje javni poziv proglašeno stanje prirodne ili druge nesreće na području grada/općine,
- i) da je za projekat za koji se aplicira evidentirana šteta u konačnom izvještaju o procijenjenoj šteti koji se odnosi na predmetnu prirodnu nesreću iz tačke h) i da je isti usvojen u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije Bosne i Hercegovine“, broj: 75/04, 38/06, 52/09, 56/09 i 36/14),
- j) da se projekat ne odnosi na sanaciju objekata koji su u nadležnosti drugih organa (npr. regionalne i magistralne ceste, vodozaštitni objekti na vodotocima I kategorije, voćnjaci, poljoprivredni usjevi i slično),
- k) da grad/općina posjeduje projektnu dokumentaciju (glavni projekat) za saniranje, ovjeren od strane lica ovlaštenog za obavljanje poslova iz te vrste djelatnosti,
- l) da nisu dodijeljena i realizovana finansijska sredstva iz drugih izvora finansiranja za konkretan projekat saniranja, odnosno da se iz dodijeljenih sredstava ne može u cjelosti finansirati konkretan projekat saniranja i
- m) da grad/općina nije u mogućnosti u cjelosti finansirati realizaciju konkretnog projekta saniranja.

III Kriteriji za dodjelu pomoći

1. Utrošena sredstva u budžetu grada/općine za zaštitu i spašavanje u prethodnoj godini (bez sredstava posebne naknade):
 - a) veća od 0,5 % budžeta grada/općine10 bodova
 - b) od 0,3 % do 0,5 % budžeta grada/općine8 bodova
 - c) do 0,3% budžeta grada/općine4 boda
 - d) nisu planirana sredstva u budžetu grada/općine0 bodova
2. Vrijednost projekta :
 - infrastrukturnim objektima u nadležnosti grada/općine (putevi, mostovi, tuneli, objekti vodovoda i kanalizacije i sl.)10 bodova
 - javnim objektima u nadležnosti grada/općine (objekti organa uprave i javnih ustanova, kulturni i sportski objekti, turistički objekti i sl.) 8 bodova,
 - stambenim objektima za individualno i kolektivno stanovanje6 bodova,
 - vodotocima II kategorije2 boda.

IV Ograničenja za dodjelu sredstava

Sredstva se ne mogu dodjeljivati gradovima i općinama koji nisu u propisanom roku opravdali namjenski utrošak sredstava dodijeljenih u prethodnim godinama iz sredstava posebne naknade koje pripadaju Kantonu.

V Potrebna dokumentacija

Prijavu na javni poziv podnosi gradonačelnik/općinski načelnik na obrascima PN-1 i PN-2 i uz istu prilaže sljedeću dokumentaciju:

- a) dokaz da je formirana služba civilne zaštite grada/općine, u skladu sa članom 31. Zakona o zaštiti i spašavanju (izvod iz Pravilnika o unutrašnjoj organizaciji, odluka o osnivanju službe ili drugi dokaz),

- b) dokaz da je formiran gradski/općinski štab civilne zaštite (odluka/rješenje o formiranju štaba),
- c) dokaz da je donesena procjena ugroženosti grada/općine od prirodnih i drugih nesreća (akt o usvajanju procjene),
- d) dokaz da je donesen plan zaštite i spašavanja od prirodnih i drugih nesreća grada/općine (akt o usvajanju važećeg plana),
- e) dokaz da je donesen program razvoja zaštite i spašavanja grada/općine (akt o usvajanju važećeg programa),
- f) dokaz da grad/općina ima organizovane strukture civilne zaštite (odluka ili drugi akt o organizovanju jedinica, službi i drugih struktura civilne zaštite),
- g) dokaz da se sredstva posebne naknade vode na posebnom namjenskom transakcijskom računu (ugovor sa bankom, potvrda banke ili drugi relevantan dokument),
- h) dokaz o iznosu utrošenih sredstava u budžetu grada/općine za zaštitu i spašavanje u prethodnoj godini, bez sredstava posebne naknade (ugovori o nabavci, nalog za plaćanje, uvjerenje službe za finansije i dr. iz kojih se nedvosmisleno može utvrditi da su projekti zaštite i spašavanja finansirani iz budžetskih sredstava). Gradovi i općine koji nisu utrošili sredstva iz budžeta za ove namjene dužni su dostaviti ovjerenu izjavu gradonačelnika/načelnika u kojoj će biti navedeno da nisu utrošena budžetska sredstva za zaštitu i spašavanje u prethodnoj godini,
- i) dokaz da je u tekućoj ili prethodne dvije godine prije godine u kojoj se objavljuje javni poziv proglašeno stanje prirodne ili druge nesreće na području grada/općine (odluka o proglašenju stanja prirodne ili druge nesreće i odluka o proglašenju prestanka stanja prirodne ili druge nesreće),
- j) konačni izvještaj o procijenjenoj šteti i akt o usvajanju izvještaja o štetama za prirodnu nesreću,
- k) ovjerena izjava gradonačelnika/općinskog načelnika da se projekat ne odnosi na sanaciju objekata koji su u nadležnosti drugih organa,
- l) glavni projekat za saniranje, ovjeren od strane lica ovlaštenog za obavljanje poslova iz te vrste djelatnosti,
- m) ovjerena izjava gradonačelnika/općinskog načelnika da nisu dodijeljena i realizovana finansijska sredstva iz drugih izvora finansiranja za konkretan projekat saniranja, odnosno da se iz dodijeljenih sredstava ne može u cjelosti finansirati konkretan projekat saniranja i
- n) izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća za prethodnu godinu, Plan korištenja sredstava posebne naknade za zaštitu od prirodnih i drugih nesreća za tekuću godinu i ovjerena izjava gradonačelnika/općinskog načelnika da grad/općina nije u mogućnosti u cjelosti finansirati realizaciju konkretnog projekta saniranja.

Prijava na javni poziv mora sadržavati podatke u koju svrhu i u kojem iznosu se pomoć traži te detaljno obrazloženje planiranih projekata i aktivnosti, a grad/općina su dužni aplicirati za projekte koji su planirani, pripremljeni i objektivno izvodivi u utvrđenim rokovima.

Svi dokazi se dostavljaju kao original ili ovjerena fotokopija.

VI Rok za podnošenje prijave

Prijava na javni poziv se podnosi u roku od 10 dana od objave na internet stranici Kantonalne uprave www.kucztk.com.ba, a zaključno sa 1.9.2025.godine.

VII Posebne napomene

Nepotpune i neblagovremene prijave se neće uzeti u razmatranje

Prijave se dostavljaju Kantonalnoj upravi civilne zaštite, u zatvorenoj koverti putem Centralne pisarnice kantonalnih organa uprave, ul. Fra Grge Martića 8, Tuzla, sa naznakom:

„Prijava na javni poziv za sufinansiranje saniranja posljedica prirodnih i drugih nesreća –
NE OTVARATI“.

Broj: 18/1-11-023840/25
Tuzla, 20.8.2025. godine



DIREKTOR

Mirzad Fazlić